

Kangar: Kedudukan hutan paya bakau perairan Bukit Putih, Kuala Perlis, di sini, yang terletak kira-kira 300 meter dari sempadan perairan negara jiran menjadikan ia lokasi transit 'kegemaran' sindiket penyeludupan dadah.

Terkini, jam 3.30 petang, 6 Januari lalu, Jabatan Kastam Diraja Malaysia (JKDM) Negeri Perlis menemukan 89 ketulan ganja mampat bernilai RM275,900 yang sorok di sebalik perdu pokok bakau.

Pengarah Kastam Perlis Ismail Hashim berkata, terdahulu, anggota JKDM Negeri Perlis yang sedang meronda di perairan itu di maklumkan berkaitan penemuan empat guni yang ditinggalkan di lokasi tersebut.

"Kami melakukan pemeriksaan sebelum menemukan ganja seberat 89.481 kilogram (kg). Kawasan itu adalah lokasi panas penyeludupan dadah dan barangan lain dari negara jiran.



la sering dijadikan sebagai lokasi transit oleh sindiket untuk meletakkan barangan seludup sebelum diambil sindiket dari negara ini"

Ismail Hashim

"Ini kerana, jaraknya dengan perairan sempadan hanyalah sekitar 300 meter sahaja. Ia sering dijadikan sebagai lokasi transit oleh sindiket tertentu untuk meletakkan barangan seludup sebelum diambil sindiket dari negara ini," katanya.

Beliau berkata demikian pada sidang media di Pejabat JKDM Cawangan Penguatkuasaan/Marin Kuala



ISMAL (dua dari kiri) menunjukkan ganja dan ketum pada sidang media di JKDM Cawangan Penguatkuasaan/Marin Kuala Perlis. - Gambar NSTP/LLUOMAN HAKIM ZUBIR

Sorok 89 ketul ganja di perdu pokok bakau

Perlis di Kuala Perlis, malam.

"Kami menunggu selama setengah jam di lokasi itu untuk mengesan individu atau kumpulan yang akan menuntut bekalan ganj terbahit.

"Kami tidak menunggu lama atas faktor keselamatan memandangkan lokasi itu juga sukar diakses dengan bot besar," katanya lagi.

Menurut beliau, ketika ditemukan, ganja itu juga sudah dimasuki air dan i dipercayai untuk pasaran utara serta Lembah Klang kegunaan 447,405 penagih dan kes disiasat mengikut Seksyen 39N(1)(e) Akta Dadah Berbahaya 1952," katanya.

Pada masa sama, menurut Ismail, sepanjang 2024 pihaknya metekodkan 1 rampasan membabitkan dadah bernilai RM3,754,739.70.